

Ora ca c'è la 'Talia

Ora ca cc'è la Talia, fannu la Talia,
ccu' na canna a li manu è la Sicilia!
Lu beddu rregnu ha jutu a gammi all'aria,
Palermu fa dijunu, ch'è vigilia.
St'èbbuca d'ora chi nni curri laria!
Lu celu ni li manna tirribilia!
L'oru e l'argentu squagghiaru pill'aria,
di carta la visteru la Sicilia!

Chi nova liggi ca vinni aguannu,
chi ognunu si diliggi a lu so rregnu!
li cresii e li batii stanu spugghiannu,
li quattru sbirri di chistu governu!
Lu populu si java rivutannu,
ma si rivutirà tuttu lu regnu;
aspittamu 'stu jornu, e (cui sa quannu?)
vinnitta si farà sangu ppi sangu!